

Samostalna zastupnica - Elza Gaković

Sarajevo, 02.12.2025. godine

ZA:

Ministarstvo zdravstva Kantona Sarajevo

Vlada Kantona Sarajevo

U skladu sa članom 106. i 213. Poslovnika o Skupštine Kantona Sarajevo, dostavljam.

Zastupničku inicijativu

Inicijativa za uvrštavanje lijeka faricimab na Kantonalnu bolničku listu lijekova KS.

Obrazloženje

Lijek faricimab, koji se koristi u liječenju dijabetičkog makularnog edema (DME), uvrsti na Kantonalnu bolničku listu lijekova Kantona Sarajevo.

DME je komplikacija dijabetičke retinopatije, koja predstavlja oštećenje krvnih žila oka kod osoba sa dijabetesom. Ukoliko se ne liječi na vrijeme, može dovesti do ozbiljnog gubitka vida, pa čak i sljepoće. Zato je pravovremena i savremena terapija od izuzetne važnosti za očuvanje vida pacijenata.

Lijek faricimab je već na Federalnoj bolničkoj listi, a pacijentima je dostupan u više kantona u Federaciji BiH. Prema informacijama udruženja oboljelih od dijabetesa tip 1, lijek se već propisuje u sljedećim kantonima: Kanton 10, Tuzlanski kanton, Zapadnohercegovački kanton, Zeničko-dobojski kanton, Hercegovačko-neretvanski kanton, Srednjobosanski kanton i Unsko-sanski kanton. Dostupan je i pacijentima u Republici Srpskoj.

Međutim, u Kantonu Sarajevo ovaj lijek još uvijek nije dostupan, zbog čega su pacijenti uskraćeni za terapiju koja može spriječiti propadanje vida i znatno poboljšati kvalitet života.

Shodno važećoj Odluci o listama lijekova Kantona Sarajevo, izmjene i dopune Listi vrši Vlada KS na prijedlog Ministarstva zdravstva KS, uz stručno mišljenje Komisije za stavljanje i skidanje lijekova na Liste lijekova Kantona Sarajevo.

S obzirom na: jasnu medicinsku potrebu pacijenata s DME, činjenicu da je faricimab već dostupan u najvećem broju kantona u FBiH, kao i na Federalnoj listi, te potrebu da se oboljelima u Kantonu Sarajevo omogući jednak pristup terapiji, molimo da Ministarstvo zdravstva KS pokrene postupak izmjena i dopuna Liste lijekova, kako bi se lijek faricimab uvrstio na kantonalnu bolničku listu.

Time bi se omogućilo pravovremeno, savremeno i jednako liječenje pacijenata u Kantonu Sarajevo, u skladu sa standardima dostupnim u ostalim kantonima Federacije BiH.

Udruženje oboljelih od DM1 dostavilo Vam je identičnu inicijativu na razmatranje i usvajanje,